



L'ESSOR FASO KUMAKAN

B.P. : 24 Tél. : 22-21-04 Bamako (Mali)

SIBIRI
9
NOWANBURU
1985



Fansine TURE
(Lagine)



Aliyuni Bilondén BEYI
(Mali)

Lagine ni Mali cèkow dantigèli baaraw jèkawale kadara kònò

Lagine jamana fangase ciden minnu nyémégoya b'a kókan-kow minisiri, Kaptéri Fansi TURE bolo, olu donna Bamakò, san 1985 Nowanburu tile 4 den, nyögönsirataama hukumu kónò, min bë tali kë jèkawalekow kan, Lagine ni Mali cè.

Taama in kuntaala bënnna tile 5 haké de ma, min kónò, jamana fila cèkow nyènaboli jèkulu móggow ye nyögón kùnbèn, ka bënnkanw dantigè, ka feérèw jutigè, minnu latèmèli bëna kë sababu ye, ka jèkawalekow sankoròta sira bée kan.

O nyögónkùnbèn kënnè kan, Mali cidenw nyémégoya tun b'a kókan-kow minisiri, Aliyuni Bilondén BEYI bolo. O de kumara Mali Pariti "UDPM" n'a fangaso kuntigi, zenerali Musa TARAWELE ani Malidér bée lajèlen tògò la, ka Mali ka wasa n'a

ka nisondiya jira Laginekaw n'u ka jamana fangaso kuntigi, zenerali Lansana KONTE la, nin wale in bòliko nyuman kòson a sira fè.

A jirala, o hukumu kónò, ko jamana fila cèkow nyènaboli jèkulu móggow bënnna jèkawaleko nafama su-guya caman kan, yiriwaliko, sóroko, nyètaako, hadamaden-yako, seko ni dènko ani kókan politikow kan, minnu nyèsinnen bë Afiriki ani dinyè haminankow ma, ben-

ni kelenya ani hère ni lafiya basigili sira kan.

Bènkanwale baaraw dantigèli hère fè, Laginekow bisimilala Pariti "UDPM" ani Mali jamana fangaso kuntigi, zenerali Musa TARAWELE ani jamana nyémögó caman wèrèw fè minnu jöyòrò ka girin, bènkanw latèmèliko nyuman na.

O nyögónye walew fana sankoròtara ni Mali jamana sóròda nafama dòw lajèli ye, i ko selenge ba-

bili ani Ofisi di Nizèri forokènèw n'a izininw, minnu bë Segu, n'u nyèsinnen bë sènèfènkow ma.

Taama in kuncèra ni layidukanw ani jigitugu kumaw ni kelenya walew ye, miñnu bë tali kë jamana fila ka siginyögónya, u ka hadnaya n'u ka teriya kan, minnu ye latigè ka baara ye, k'a da Lagine ni Mali kónò móggow kafoli kan, kabini lawale la.

Faransi ka dèmè nafama

Tarataden, ékutéburu kalo tile 29, san 1985, bolonobila lajè dë kéra faransi ni Mali cè, an ka ciyakèda la min ka baara nyèsinnen don an ka jamana ni jamana wèrèw cèsiraw ma.

Bolonobila sèbèn in bëna faransi gò-fèrènama yamaruya ka dèmè don Mali gefèrènama ma an ka ciyakèda dë baaraw kë-

cogo nyuman na, n'e ye "FRUITEMA" ye, min nyèsinnen don jiridenw ni nakofènw feereli ma.

Faransi ka dèmè in nafolo kasabi ye "CFA" wari miliyon 50 ye, min sababu la "FRUITEMA" bëna nakofènw labugunni te-liya ani ka fèerè sórò u lajècogo n'u maracogo la. O tèmènen kò, jèkawale nafama in bëna Mali dèmè k'a ka jiridenw

ni nakofènw feerè farajèla ani larabu jamana kònò.

Mogó minnu y'u boloné bila bënkansèbèn in na, o ye faransi ka jèkawale ciyakèda kuntigi Zan BULONYI ye, faransi tògò la; ani Ali-fa Amadu JAWU, Mali tògò la, n'e yean ka jamana ni jamana wèrèw cèsiraw sèriwusi kuntigi dankan nònabilà ye.

sènèfènw sòngow sigira

Nyinan, sènèfènw sannifeereli daminera san 1985 Nowanburu tile fòlò don, Mali jamana fan bée kònò.

Wale minnu fòra, k'u gèlèya, o siratigè la, o fòlò ye sènèfènw sannifeereli baaraw labilali ye, a walekèbaga yamaruyalen suguya bée ye, jamana yorò bée kònò. A filanan, o ye sènèfènw bòbaloya ye, ka t'u feere jamana kókan, n'o bë se ka kunko lase, o wale kèbaga ma.

A jirala ko danfararin bë se ka ye, sòngow ni nyögón cè, k'a da musakaw kan, yoròw janyacogo ni donitakow gèlèya kòson. A këra cogo e cogo, jamana fanba kònò, sènèfèn dòw sòngò dantigèra, denbatigèw ye, i ko dò-ninsannaw haké la, nin cogo la:

- Sanyo, keninge ani kabakisè, kilo kelen: "CFA" d 19
- Malokisè "ELB", kilo kelen: "CFA" d.44
- Malokisè "RM-25", kilo kelen: "CFA" d. 40 nyögón
- Malokisè "RM-40", kilo kelen: "CFA" d 33
- Malokisè "BB", kilo kelen: "CFA" d31 nyögón.

Mali baarakèlaw ka jamakulutòn "UNTM" kòngèrè 6 nan

K'a ta san 1985 èkutoburu tile 28 na, k'a bil'a tile 70 la, Mali baarakèlaw ka jamakulutòn "UNTM" ka laadala kòngèrè 6 nan lajèba kéra Bamakò, Pariti "UDPM" kow latèmè jekulu "BEC" ani gèférènama ni depiteso négó caman ani lasigidenw ni jamana dòw ka cidenw bée lajèlen nyé na.

A dayèlè kènè kan, mègè min ye kuma ta Pariti ni jamana fangaso tègè la, e kéra forobabaarakew minisiri Modibo KEYITA ye. A y'a jira ke fèn min kelen bée ka baarakèlaw wasakow bali sisan, k'e ye gèlèyaba binnén ye, dinyè jamana bée kan, ja n'a masibaw ye min juguya Afiriki saheliyanfan jamanaw kónò; k'e n'a ta o ta, jamana fangaso nkaniya ye baarakèlaw lafiyal de ye, cogo bée la; ko fèerè bée bée si-ri, O sira kan. A ka kuma kuncèra ni wé-lekan ye, sérè yiri-wcli kama, ni baarakèlaw ka cèsiri ye.

Sanni lajèkèlaw ka minisiri ka bilasirali kumaw lamèn, jamakulutòn in sekretèri zenerali, Bakari KARANBE de fòlò ye wale kelenw dantigè, san 4 témènen kónò, k'a jira ke "UNTM" ni jamana fangaso cèkow latèmècogo sinsinen bée faamuyali de kan, min bée tali kée jamana ani dinyè yèrè taa-bolo gèlèya coge kan.

O siratigè la, e da sera baarakèlaw haminankò gèlèn dèw ma, i ko, dòfarali kalesaraw kan, k'olu dakènyè, k'u bèn di-nyèlatigè sen kan, ani magonyèfènw sén-gòw basigili, u nègoya belo kan, ani baarabolo kuraw da-yèlèli, walasa, bée ka se, ka baara sôrò.

A kelen ka jamana barika ni kenyèrèyew barika jeyorò nyèfò, a y'a nyini baarakèlaw fè, u ka se k'u fara nyègón kan ka sérèjekuluw dilan u yèrèw ye, sénèkow, izinikow ani bale-fènw lasoròli nègoya walew sira kan, i n'a fò wale o wale, n'e nafa b'u yèrèw kan, yèrèdèmè kadara kónò.

O laadilikumaw, minnu bée tali kée gèlèya kan, n'e bée Ma-li ani dèsebagatè jamanaw bée kan a k'olu ka kan, ka du-su don, baarakèlaw kònò, yèrèlabèn sira kan.

"UNTM" ka kòngèrè 6 nan in kuncèli walew nyèmogóya tun bée Pariti "UDPM" ani Mali jamana fangaso kuntigi zenerali Musa TARAWELÉ yèrè be-lo. Pariti, gofèrè-nama, depiteso ani



Bakari KARANBE
"UNTM"
Sekeretèri Zenerali

jamakulutòn nyèmogów ani kenyèrèyew ni lasigidenw bée tun b'a kènè kan.

Peresidan Musa TARAWELÉ ka kuma bòra jamana nyèmogów ka lafasali n'u ka dèmèli walew de kan, k'a nyèsin baarakèlaw, an'u ka jekulu-ba n'o nyèmogów bée lajèlen ma, fasobara sira kan.

A y'a jira ke gèlèya sèben bée yòrò minna sisan, ko wale minnu nafa ka bon

baarakèlaw ni jamana fangaso ma, olu ye hakilijakabékow ye, i ko jateminèli, ka yèrèlabèn ni yèrèdèmè fèerèw jutigè, baarakèlaw yèrèw ani kenyèrèyew fè. A k'e siratigè la, mègò si kelen man kan, k'i sigi, k'i belo d'i sen kan, k'i jigi da forohafèn wali mègò wèrèw ta kan; ko bée ka kan, k'a dòn, k'a faamuya, ke gèlèya, ja n'a masibaw, sôrèfèn ni nafafèn n'u nyègónnaw dèse-li n'u cayali sababu ye baarakèlaw de ye.

Sanni Peresidan Musa TARAWELÉ ka kuma ta, "UNTM" sekretèri zenerali, Bakari KARANBE, min sigira kokura ye, o de fòlò y'a n'a nèkanmögów ani tònsigilaw bée ka foli ani tamuni lase jama ma.

A y'a jira ko mègò kura minnu sugandira nyinan, san 1985, "UNTM" kow latèmèjekulu la, k'olu b'u ka baara kée, k'a bèn Mali jamana ani dinyè yèrè tòw sen-kan ma, k'a da gèlèya kan, min kelen bée ka dugukolo yòrò bée jamanaw n'u kònòfèn wòrè, fe ka se sègèn ani kasaara hakè la.



"URSS" lasigiden ka jèmukan erewolisòn sosiyalisi basigili sanyèlèma 68 nan hukumu kònò

A san 68 ye nyinan ye, dinyè erewolisòn sosiyalisi fòlò ka kè Irisila, san 1917, nowanburu kalo tile 7. A sen fè, fanga yèlèmara uwuriyew ni sènèkèlaw ni baarakèla wèrèw ka bolo kan, minnu y'u seko damajira kè dinyè kura jòli la, nyègónnafadun tè min kònò, n'a dugukolo n'a baarakèminènw bée ye jamanadenw ta ye.

Sosiyalisimu dinyè kura sera ka jò san 20 kònò gèlèya suga bée la; nka Irisila dèn y'u jigi da u yèrèw de fòlòw fanga kan ani dinyè erewolisòn jekulu ka dème.

Sègèn, nyani, kònò, kalanbaliya ani nyènawoloma suguya

bée, ka fara bana juguw kan, nin fèn juguw bée silatumunna Irisila kònò, a kelen ka sosiyalisi-mu sira ka.



Eugenii NERISESOWU
"URSS" lasigiden

O témènen kò, dinyè kèleba filanan dadigira "URSS" la kosèbè, a y'i jò ni min fanba ye, fasi-siw bugóli la kèle kènèw kan.

Bi, "URSS" ye dinyè jamanaba ye, min sérè lawèrèlen den ni kalan ni dònnyia suguya wèrèw ni dònko ni seko walew yi-riwalen den a kònò a nyè bée ma.

"URSS" jéra ni erepibiliki I5 ye, minnu siyaw ka ca ni 100 ni kò ye, n'u ka dònko ni seko walew bée nyègón dafa fas-denw bée ka bèn ni hèrè ni nyègónfaamu-ya sira kan.

O erepibiliki dòrè kelen, n'e ye Tu-rikimèni ye, fila-

ninteriya b'o faamadugu Ashikabadi ni Bamakò cè. A ma mèen fòlò, Bamakò disiriki gofèrènèrè Yaya BAGAYOKO ni jekulu dò ye taama kè Ashikabadi. Gèlèya caman bée Turikimèni, min nyègón bée Mali la, i n'a fò jiko ni cèncènfuko, olu bée de y'u madon nyègón na.

"URSS" jamana Pariti kominisi "PCUS" ye fèrè nyènamaw siri sérè ni hadama-denjakow la, k'a dàminè I986 ka t'a bi-la I990 la. Irisila-kow bée k'u seko damajira bée kè bèn ni hèrè ni lafiya basili la dugukolo kan, ka bèn ni sosiyalisi jamana fòlò jujèn-baga LENINI haminankò ye.